


Sambutan Bulan Ramadan



Bersempena kedatangan Bulan Ramadan 1425 Hijrah, Unit Agama Islam (UAI) KUKUM sekali lagi mengambil inisiatif menganjurkan Program Sambutan Bulan Ramadan 1425 Hijrah/2004 peringkat KUKUM. Di dalam program tersebut, pelbagai aktiviti keilmuan dan kerohanian yang telah disusun untuk dilaksanakan di sepanjang Ramadan tahun ini. Majlis Pelancaran Sambutan Bulan Ramadan 1425 Hijrah Peringkat KUKUM telah dirasmikan oleh Y. Bhg. Lt. Kol. Prof Dato' Dr. Kamarudin Hussin, Rektor KUKUM pada 9 Oktober 2004 bertempat di Kampus Kubang Gajah, Arau dan pada majlis itu, Dato' Rektor telah memotong Pulut Kuning sebagai acara simbolik pelancaran.

Selain mengimarahkan bulan Ramadan, aktiviti-aktiviti yang dijalankan juga bertujuan untuk mempertingkatkan penghayatan mengenai kemuliaan Ramadan dan sebagai santapan rohani kepada seluruh warga KUKUM. Aktiviti-aktiviti tersebut di agihkan kepada beberapa jabatan dan pusat pengajian untuk di laksanakan agar lebih ramai warga KUKUM yang akan terlibat mengelolakan keseluruhan program tersebut.

Setiap aktiviti yang dijalankan telah mendapat sokongan dan sambutan menggalakkan. Sebagai contoh, penglibatan semua pusat pengajian dan jabatan di dalam Pertandingan Nasyid Antara Jabatan KUKUM dan Tilawah Al-Quran Peringkat KUKUM. Begitu juga di dalam aktiviti memasak Bubur Lambuk dan kelas penambahbaikan bacaan ayat suci Al-Quran yang telah dijalankan mengikut jadual di sepanjang Ramadan yang lalu.

Aktiviti yang paling mendapat sambutan ialah Majlis Berbuka Puasa Bersama Tuanku Canselor. Pada majlis itu, lebih 500 orang telah hadir yang terdiri daripada kakitangan KUKUM, pelajar dari beberapa sekolah menengah di sekitar Perlis, anak-anak yatim dan warga tua dari Kompleks Yayasan Dr. Siti Hasmah, Keutamaan Negeri Perlis dan tetamu utama iaitu DYMM Tuanku Syed Faizuddin Putra Jamalullail, Pemangku Raja Perlis dan DYTM Tuanku Lailatul Shahreen Akashah, Raja Puan Muda Perlis. Selain berbuka puasa bersama, DYMM Tuanku Syed Faizuddin turut berkenan untuk Solat Maghrib, Isyak dan Terawih berjemaah.

Majlis juga turut diselangi dengan persembahan nasyid serta bacaan ayat suci Al-Quran oleh kakitangan KUKUM sendiri dan di akhir majlis, Y. Bhg. Dato' Rektor telah menyampaikan sumbangan duit raya kepada anak-anak yatim dan warga tua dari Kompleks Yayasan Dr. Siti Hasmah, Jejawi.

1425 Hijrah/2004 Peringkat KUKUM



Aktiviti-aktiviti yang telah dijalankan disepanjang Bulan Ramadan yang lalu adalah seperti berikut;

Majlis/Aktiviti	Tarikh	Tempat	Anjuran
Aktiviti memasak 'Bubur Lambuk'	Sepanjang Ramadan	Kafeteria, Kampus Kubang Gajah	Jabatan Keselamatan
Solat Terawih dan Majlis Berbuka Puasa bersama pelajar KUKUM	21/10/2004	Dewan Serbaguna, Kolej Kediaman Kg. Wai, Kuala Perlis	Jabatan Hal Ehwal Pelajar
Solat Jumaat staf bersama penduduk tempatan	22/10/2004	Masjid Sentua, Jalan Utan Aji, Masjid Babul Ibadah, Simpang Empat, Masjid Nurul Iman, Kurung Batang Kangar.	Pusat Kemahiran Komunikasi & Keusahawanan
Forum 'Konsep Ahli Sunnah Waljamaah'	23/10/2004	DK 200, Kampus Kubang Gajah.	Pusat Pengajian Kejuruteraan Mekatronik
Pertandingan Nasyid Antara Jabatan KUKUM	28/10/2004	DK 4 & 5, Kampus Kubang Gajah.	Pusat Pengajian Kejuruteraan Bahan
Ceramah agama Islam 'Islam Hadhari Dari Aspek Pembangunan Sahsiah Diri'	30/10/2004	DK 4 & 5, Kampus Kubang Gajah	Pusat Pengajian Kejuruteraan Microelektronik
Tilawah Al-Quran Peringkat KUKUM 2004/1425 H	2/11/2004	DK 200, Kampus Kubang Gajah	Kolej Kediaman KUKUM
Majlis Berbuka Puasa bersama Tuanku Canselor	3/11/2004	Dataran Hal Ehwal Pelajar, Kampus Kubang Gajah	Jabatan Canselori
Tadarus dan Kelas penambahbaikan bacaan ayat suci Al-Quran	Sepanjang Ramadan	Bgn. KWSP, Kompleks Pusat Pengajian, Jejawi & Kolej Kediaman Kg. Wai	Unit Agama Islam
Majlis Khatam Al-Quran Peringkat KUKUM	10/11/2004	Dewan Kuliah, Kampus Kubang, Gajah	Unit Agama Islam
Program Menjana Kebaikan Melalui Kebaikan	Sepanjang Ramadan	Seluruh Kampus KUKUM	Unit Agama Islam
Pengumpulan dan penerbitan artikel berkaitan konsep kekeluargaan Islam	Sepanjang Ramadan	Seluruh Kampus KUKUM	Unit Agama Islam

Disediakan Oleh : Muhammad Najib Othman

